



MINISTERIO DI

Enseñansa, Siensia, Kultura & Deporte

Sektor di Kultura & Deporte

Krus di Merito 2022



Kiko ta Krus di Mérito?

Krus di Mérito Kòrsou ta un kondekorashon instituí pa Gobièrnu di Kòrsou, pa duna rekonosimentu na personanan ku a desplega aktividatnan meritorio, den un forma partikular, pa komunidad di Kòrsou.

Krus di Mérito Kòrsou, ta e manera ku Kòrsou ta rekonosé dignamente su baluartenan, durante di nan bida.

Kriterionan pa kandidato pa Krus di Mérito

- E kandidato mester biba na Kòrsou;
- E kandidato mester ta riba 50 aña di edat;
- E mester ta di un komportashon ehemplar;
- Aparte di su trabou, el a okupá su mes ku aktividatnan ehemplar i na bienestar di nos komunidad, durante di un periodo di mínimo 5 aña;
- Mester tin prueba di e efektonan di e aktividatnan den nos komunidad.

Komishon di Kondekorashon

Komishon di Kondekorashon Krus di Mérito ta konsistí di 9 persona, ku ta asesora Kolegio Ehekutivo den e tareanan pa selektá e kandidatonan pa nominashon. E komishon ta hasi esaki basá riba e kriterionan stipulá.

Ken por presentá un kandidato

- Tur adulto
- Di nashonalidat Hulandes
- Establesé na Kòrsou.



Kiko e proposishon mester kontené

- Mester skirbi kiko e hende a hasi na aktividatnan eksepsional ku ta hasi ku e meresé un distinshon;
- Mester amplia riba e aktividatnan eksepsional di kua e resultado mester ta na benefisio di nos komunidad;
- Mester splika tambe den kua temporada e aktividatnan eksepsional a tuma lugá;
- Mester duna prueba ku e kandidato tin mas ku 50 aña di edat i ku e ta biba na Kòrsou.
- **Mester inklui un portrèt resien saká i di bon kalidat di e kandidato.**

Formulario i periodo pa entregá proposishon

Por 'download' e formulario di inskripshon for di website di Gobièrnu (www.gobiernu.cw) òf mail na krusdimerito@gobiernu.cw.

Durante di e periodo di 1 april pa 1 mei 2022 por entregá proposishon na Sektor di Kultura i Deporte, via di e-mail krusdimerito@gobiernu.cw. **Por entrega e formulario pa mas tarda 1 di mei 2022.**

Entrega di e kondekorashon ta tuma lugá na okashon di Selebrashon di dia di Bandera 2 di yuli 2022.

Pa mas informashon por tuma kontakto nos òf yama na e siguiente numbernan di selular 5627369 i 5297369 entre 08:00—17:00.
